

## **Salko tu streffadal horttibosko probleemi? – Ame baħħaha rakkibi phurane komujenna**

Om tu sal 65-bereħħengiuro elle phuranide, ame kammaha te ħunnen, ajasaavo horttibosko probleemi tuut hin aaħte ta sar tu sal frestadal te laħħes phutriba aro doola. Hinko tukko horttibi phargarde naaluno merknoske aro sosiaalo ta sastibosko tħenstibi, tħeere, faalibosko laagiba elle aro vauro ħlaaga huupako elle perindosko horttibosko saaki elle koronako epidemiosko ħaal? Hinko tukko saakenna ħluutade utan at puħte tutta? Salko tu nourudal ilako amsibosko, tħalibosko elle vauro pharibosko uhriske? Hinko tuut aaħte svoortibi aro saakengo elle tħenstibongo tħinniba, uuħlibongo paale liiben elle buuriba? Salko tu roodidal ħaħtiba ta om, koonesta elle katta (naaluno merknoske huupa, maale, sosiaalo ta sastibosko thaanesko tħenstako iegiboskiire, sankibi, laagako dħeene, dõmmibosko beħħiba)? Om tu sal liijal jelpiba, phen koon elle savo stedos/ tħenstako iegiboskiuro hin jelpadas tuut?

Aro bereħħesko 2002 ħluutiba byrjavena roodiba phurane komujengo (praal 65 bereħ) horttibosko probleemenna ta ħleppiba aro pengo horttibi. Dai kammaha te kartaven, savo ħlaaga horttibosko svoortibi phurane komujen hin ta hinko joon liine jelpiba aro pengo probleemi. Ran amenge phirro muodakiuro tekstos, kai tu rakkaveha svoortibonna so tu elle tukko neerulno komuja hin streffade aro sisto pangħ bereħħengo tiija. Ran nii, auloko probleemos phutrimeske ta om jakkes sas, sar phutriba sas laħte. Rannibi rikkavena passavitikas, naaka individuaalo ranniboskiures vojuvela te pinsaven, ka raportavena roodibosko ħluutibi.

Ame haagavaha tukko rannibi sientides aro miritħako tħoonesko ħluutiba aro adressed: oikeusongelmat@helsinki.fi elle postoha Kaijus Ervasti, Kriminologian ja oikeuspolitiikan instituutti, PL 24, 00014 Helsingin yliopisto.

Aro roodibosko fõljime dielos ame tħeeraha rakkiba noogra doolenna koon ħikkade rannibi jakkes at ame lahas fendide faraba phurane komujengo horttibosko probleemenna. Om tu kammaha te les dielos aro rakkibosko tħeeriba, phen douva aro tukko rannibosko ħluutiba ta tilja tukko kontaktosko dħaanibi.

Roodiba tħeerena Baro foorosko universiteetosko kriminologosko ta horttibosko politikosko instituutos, iidako ringako Finitiko themmesko universiteetosko tħiħko aaħħibosko horttibosko instituutos, Tamperesko universiteetos tħetano thaanesko dħaanibongo fakulteetos ta Komunisko horttibongo sentrum.

### ***Buutide dħaaniba***

Kaijus Ervasti

Dosentos, Baro foorosko universiteetos, b. 050 340 1455

Anna Mäki-Petäjä-Leinonen

Tħiħko aaħħibosko horttibosko instituutosko liediboskiuri, iidako ringako Finitiko themmesko universiteetos, anna.maki-petaja-leinonen@uef.fi.